

Fondacija tuzlanske zajednice  
**Vitalni Znaci Tuzle 2012**

Konsultacije sa građanima

**Razgovor sa članovima Mreže aktivnih zajednica Tuzle**

## Pozadina

Početkom 2013. godine Fondacija tuzlanske zajednice je okviru istraživanja kvalitete življenja "Vitalni Znaci Tuzle 2012" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu januar-mart, održane u saradnji sa članicama Mreže aktivnih zajednica Tuzle, pri čemu su dvije fokus grupe održane ciljano sa ranjivim kategorijama u društvu, sa ženama i mladima.

## Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su :

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na postovima napišu kako oni lično mogu i žele doprinijeti izgradnji bolje zajednice.

## Ocijeni Vitalnost Tuzle!

Na kraju diskusije učesnici su imali priliku dati generalnu ocjenu stanja u zajednici.

Naime, u okviru istraživanja tokom decembra 2012. godine građani Tuzle su imali priliku dati svoju subjektivnu ocjenu stanja u zajednici putem upitnika koji je bio dostupan na web stranici istraživanja. Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima, ali i kratke opise konteksta za svaku pojedinačnu oblast, koji bi mogli pomoći u razmišljanju i davanju ocjene stanja za svaku navedenu oblast.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

**Datum: 24. januar 2013**

**Oblasti za diskusiju: Pripadnost i vodstvo, Jaz između bogatih i siromašnih**

**U saradnji sa: Mreža aktivnih zajednica Tuzle**

**Lokacija OŠ Tušanj**

**Broj učesnika: 24**

## **Sažetak diskusije:**

Zbog značaja ovih tema i interesa koji za njih vlada u zajednici, diskusija je urađena u sklopu Konferencije građana što je omogućilo prisustvo predstavnika iz 9 mjesnih zajednica (Tušanj, Solina, Lipnica, Gornja Tuzla, Husino, Simin Han, Sjenjak, Kula, Slatina).

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak.

Iako su evidentne razlike u stanju lokalnih zajednica, većina ih smatra pozitivnim što imaju određeni prostor koji građani mogu koristiti za okupljanje, takođe svaka zajednica ima nekoliko aktivističkih grupa koje rade na prepoznavanju potreba u zajednici i organizovanju adekvatnih reakcija na njih. Međusobna saradnja lokalnih aktivista na razvoju građanskog aktivizma je još jedna stvar koju su građani ocijenili pozitivnom, kao i prisutnost lokalnih ambulanti, škola i s.

S druge strane tokom diskusije građani su se usaglasili da je za jačanje osjećaja pripadnosti lokalnoj zajednici i preuzimanje inicijativa od strane građana, potrebno raditi na boljoj informisanosti građana o pitanjima i događajima na nivou mjesnih zajednica, da je potrebno motivirati i animirati građane, posebno mlade, da se uključe u aktivnosti za poboljšanje uslova življenja u lokalnoj zajednici.

Pored toga, sve zajednice smatraju da bi mjesne zajednice trebale imati veći nivo samostalnosti i veća ovlaštenja kako bi se mogli direktnije baviti konkretnim pitanjima i potrebama specifičnim za svoju lokalnu zajednicu. Osim toga, članovi savjeta mjesnih zajednica bi trebali biti birani neposrednim putem od strane građana.

Diskutujući o jazu između bogatih i siromašnih građani su pozitivno ocijenili postojanje primarne zdravstvene zaštite i osnovnog obrazovanja u skoro svakoj zajednici, ali i većeg dijela infrastrukture. Takođe, pojedine pojedine zajednice imaju razvijene specifične društvene segmente koji omogućavaju integraciju i uključenost građana u život lokalne zajednice, kao što su poslovni inkubator kao podrška u povećanju zaposlenosti, kulturne aktivnosti i događaje, grupe za podršku, dobri međuljudski odnosi, spremnost lokalnih biznisa da podrže manje akcije i sl

Sređivanje prostora u zajednicama koje to trebaju koje bi otvorilo mogućnosti za nove i brojnije aktivnosti građana, zatim poboljšanje obrazovnog sistema, jačanje lokalne privrede i podrška malim biznisima što bi dovelo do povećanja broja zaposlenosti su, prema mišljenjima građana, težišta na kojima treba raditi u stvaranju zajednice koja će minimizirati razlike između bogatih i siromašnih.

## **Jaz između bogatih i siromašnih**

Građani su rekli

### **Kako izgleda 'zdrava, 'vitalna' zajednica?**

- Razvijena privreda zasnovana na proizvodnji
- Zaposleni stanovnici koji žive o svog rada.
- Mjerenje I vrednovanje rada
- Onemogućavanje mita I korupcije
- Oduzimanje nepravilno stečene imovine,
- Uređena socijalna politika
- Dobro uređena komunikaciona infrastruktura (putevi, parkovi, igrališta
- Obrazovni sistem prati potrebe društva
- Poštivanje ljudskih prava I sloboda

### **Šta dobro funkcioniše u vašoj zajednici?**

- Međuljudski odnosi
- Veći dio infrastrukture
- Komunalne usluge su zadovoljavajuće
- Kulturni život je zadovoljavajući
- Saradnja sa privrednicima
- Zdravstvene usluge
- Inkubacioni centar (Lipnica)
- Predškolsko obrazovanje (Solina)
- Postojanje humanitarnih organizacija (CK I sl)
- Postojanje građanskih udruženja I neformalnih grupa koje razvijaju aktivizam u zajednicama (radne akcije, obilježavanje praznika I sl)
- Dobra saradnja građana sa školama

### **Šta se može poboljšati**

- Infrastruktura (kanalizaciona I vodovodna mreža u rubnim dijelovima grada)
- Uređenje I opremanje prostorija mjesnih zajednica za aktivnosti građana
- Primarna zdravstvena zaštita
- Posvetiti više pažnje socijalno ugroženim licima
- Evidentirati beskućnike I pokušati riješiti njihov problem
- Pomoć I podrška za osobe na evidenciji za zapošljavanje
- Komunikacija između udruženja I institucija
- Poboljšanje prevoza putnika, veći broj linija javnog prevoza, kvalitetnija prevozna sredstva
- Ravnopravnost između gradskih I prigradskih zajednica
- Ekonomsko osnaživanje mladih

## **Pripadnost i vodstvo** **Građani su rekli**

### **Kako izgleda 'zdrava', 'vitalna' zajednica?**

- Mjesna zajednica ima pravni status
- Postoji adekvatan prostor za okupljanja građana
- Prisutna je koordinirana saradnja svih subjekata u zajednici
- Lideri u zajednici izabrani su na osnovu kompetencija i sposobnosti (Zajednica ima stručne, komunikativne, obrazovane i autoritativne lidere)
- Lokalna samouprava pruža podršku u zadovoljavanju potreba i rješavanju poteškoća iznesenih od strane mjesnih zajednica
- Iskazane potrebe mjesnih zajednica zadovoljavaju se u skladu sa
- Postoji dobra veza i komunikacija među mjesnim zajednicama, naročito između udaljenih rubnih zajednica Općine (Husino, Simin han, Gornja Tuzla i sl)

### **Šta je dobro u zajednici, šta funkcioniše?**

- Postojanje društvenih domova kao mjesta za okupljanje građana (Agora centar u Smin Hanu, Društveni dom u Gorjoj Tuzli i Lipnici i sl)
- Okupljanje građana kroz rad lokalnih aktivističkih grupa
- Dobra komunikacija i koordinacija između aktivističkih grupa i drugih aktera u zajednicama
- Blizina gradskog centra za gradske mjesne zajednice
- Postojanje i rad ambulante, škole, apoteke i pošte u većini zajednica

### **Šta se može poboljšati u zajednici?**

- Obnavljanje i izgradnja infrastrukture u mjesnim zajednicama (kanalizacija, voda, regulacija korita rijeke Jale, ulična ravjeta, asfaltiranje puteva, rekonstrukcija puta Gornja Tuzla - Lopare - Čelić, izgradnja nadvožnjaka i povdožnjaka preko magistralnih puteva u MZ Pasci, Husino, Simin Han, Šićki Brod...)
- Deminiranje miniranih zemljišta u mjesnim zajednicama
- Rješavanje pravnog statusa društvenih domova
- Bolja informisanost građana o pitanjima bitnim za lokalnu zajednicu
- Vraćanje ovlaštenja i načina finansiranja mjesnih zajednica
- Izbor članova savjeta učiniti neposrednijim
- Veća uključenost građana, posebno mladih u aktivnosti lokalne zajednice
- Veća izlaznost na izbore
- Bolja koordinacija aktera u mjesnim zajednicama
- Manja upotreba automobila
- Uređenje biciklističkih staza unutar zajednica i između zajednica

## Šta ja mogu uraditi da dopinesem izgradnji zdravije i bolje zajednice?

- “Učestvovati u uređenju okoliša u MZ I ekološkim akcijama”
- “podržavam I učestvujem na manifikacijama u lokalnoj zajednici”
- “Učešće I organiziranje radničkih akcija za poboljšanje zajednice”
- “Upoznati građane sa njihovim pravima I dužnostima kroz edukacije”
- “Ličnim primjerom razvijati svijest kod građana o potrebi zaštite okoliša”
- “Domaćinski se odnositi prema resursima zajednice”
- “Pomoći bolesnim I starim osobama”
- “Razgovarati sa građanima da ne bacaju smeće svugdje”
- “Napraviti spisak socijalno ugroženih porodica u svojoj MZ”
- “Podijeliti svoje znanje o pčelarstvu sa zainteresovanim građanima”
- “Koristiti gradski prevoz umjesto auta”
- “Raditi na organizovanju I animiranju mladih”
- “Animirati mlade primjerom ličnog aktivizma”
- “Sadržajnim iskorištavanjem vlastitog slobodnog vremena”

## Ocijeni Vitalnost Tuzle!

Forum sa članovima Mreže Aktivnih zajednica Tuzle	
Ocijenite Vitalnost Tuzle!	
Naziv oblasti	
Zdravlje i rekreacija	2,9
Stanovanje	2,6
Jaz između bogatih i siromašnih	3,8
Obrazovanje i perspektive za cjeloživotno učenje	3,2
Osjećaj sigurnosti	3,2
Mogućnosti za početak	2,8
Kultura i umjetnost	2,2
Životna sredina	3,04
Rad i zapošljavanje	3,9
Pripadnost i vodstvo	2,9
Lokalna mobilnost	2,7
Ekonomija i poduzetništvo	2,9

Opis skale za ocjenu vitalnosti Tuzle!	
1	Odlično možemo biti uzor drugima
2	Dobro iako je potrebno uložiti napor da se situacija održi ili poboljša
3	Loše, potrebno je učiniti nešto
4	Zabrinjavajuće, situacija zahtjeva ozbiljnu društvenu reakciju